



VESTNES KOMMUNE

Ordføreren

Til

Relevante politiske aktører lokalt, regionalt og sentralt

Dato	Dykkar ref.	Vår ref.	Saksnr.	Saksbehandlarar
08.01.2015		17131/2014	2014/1350	Tone Roaldsnes/Magne Værholm

Vestnes kommune - trekk i rammeoverføringane for 2015 grunna redusert arbeidsgjevaravgift.

“Den regionale differensieringen av arbeidsgiveravgiften er et viktig og målrettet distriktpolitisk virkemiddel”

- sitatet er henta frå Kommunal- og moderniseringsdepartementet sine heimesider.

For at arbeidsgjevaravgifta skal fungere som eit distriktpolitisk virkemiddel både for kommunar og privat næringsliv, er den regionalt differensiert. Det inneber at landet er delt inn i ulike arbeidsgjevaravgiftssoner, der det er lavare satsar i distrikta enn i sentrale strøk. Landet er delt inn i sju ulike arbeidsgjevaravgiftssoner (sone 1, 1a, 2, 3, 4, 4a og 5).

Satsane varierer frå 14,1 % i sentrale strøk (sone 1) til 0 pst. i Finnmark og Nord-Troms (sone 5). For å finne kva kommunar som skal kome inn under ordninga har departementet lagt stor vekt på den såkalla **distriktsindeksen**. Denne indeksen er samansett av eit sett indikatorar som gjenspeglar utviklinga i kommunane, og er særleg knytta til geografi, demografi, arbeidsmarknad og levekår.

Vestnes kommune har i mange år arbeidd aktivt for å bli plassert i ei lågare arbeidsgjevaravgiftssone. Kommunen har alltid vore plassert i den høgste sone, dvs. 14,1%.

Distriktsindeksen vert ajourført kvart 7.år. Då dept i 2013 reviderte distriktsindeksen vart det heilt klart at Vestnes kommune kom svært dårleg ut, og at indeksen hadde vore nedadgåande dei siste åra. Dette var mykje av bakgrunnen for at både Møre og Romsdal fylkeskommune og Kommunal- og moderniseringsdepartementet (KMD) gjekk inn for at Vestnes kommune skulle få endra/ redusert arbeidsgjevaravgift frå 1.juli 2014 (redusert frå 14,1% til 10,6%).

Gleda var difor stor då Vestnes kommune fekk melding om at vi frå 01.07.14 gjekk ned til sone 2, altså 10,6%.

Verknader av redusert arbeidsgjevaravgift

Som det går fram av KMD sine heimesider: Redusert arbeidsgjevaravgift er eit omfattande distriktpolitisk virkemiddel.

Postadresse: Rådhuset 6390 Vestnes www.vestnes.kommune.no	Telefon: 71 18 40 00	Telefaks: 71 18 40 01	Org.nr. 939 901 965
E-post: postmottak@vestnes.kommune.no			

<http://www.regjeringen.no/nb/dep/fin/pressesenter/pressemeldinger/2014/Oveskrift/Sporsmal-og-svar-om-differensiert-arbeidsgjevaravgift.html?id=752986>

Det går ikkje fram av noko styringsdokument at fordelene av redusert arbeidsgjevaravgift ikkje skal omfatte kommunen som arbeidsgjevar. Det har tvert om vore slik at når utviklinga i eit distrikt er negativ, så er kommunen sjølv hardt råka.

I vårt arbeid med å få redusert arbeidsgjevaravgift har vi heile tida føresett at kommunen skulle få behalde det vi sparer på arbeidsgjevaravgifta. Vi har heller ikkje på noko tidspunkt fått signal om anna. Delegasjonar frå Vestnes kommune har fleire gongar vore i Kommunal- og moderniseringsdepartementet, både med "gammal" og ny regjering og møtt politisk leiing. Vi har vore i fleire møte med Møre og Romsdal fylkeskommune og Fylkesmannen i Møre og Romsdal.

Alle har vore samstemte:

Ein reduksjon av arbeidsgjevaravgifta ville styrke kommuneøkonomien!

Statsbudsjett 2015: Nytt uttrekk i rammeoverføringane frå 2015

Framlegg til statsbudsjett for 2015 inneheld eit nytt trekk:
(grønt hefte tabell C-k)

- Uttrekk avgiftslette differensiert arbeidsgjevaravgift

Dei 31 kommunane som frå 01.07.14 fekk redusert arbeidsgjevaravgift vert trekt i rammene for den innsparinga **kommunen** får.

Samla uttrekk for alle kommunane er 267,0 mill. kr, for Vestnes kommune 13,3 mill. kr.

Dei kommunane som allereie har redusert arbeidsgjevaravgift før 2014, m.a. alle kommunar i Nord-Norge og mange i sør Norge, vert ikkje trekt.

Dette er ein heilt ny politikk!

Nokre hevdar at dette har vore gjort før, men ingen kan dokumentere det.

Tvert i mot: Vestnes har fått stadfesta frå KS sentralt, både frå noverande og tidlegare sjefsøkonom i KS, at dette er ein heilt ny praksis. Det same har Fylkesmannen i Møre og Romsdal stadfesta.

Ekstra skjønsmidlar ved endringar i arbeidsgjevaravgift

Mykje tyder på at dei som hevdar at trekk i rammeoverføringa har vore gjennomført før, blandar dette saman med skjønnsrammer frå Fylkesmennene.

Det har vore ein del endringar i kva kommunar som har hatt redusert arbeidsgjevaravgift i åra etter 2003. Som kompensasjon for endringar har kommunar som har gått opp i sone, og fått ekstra kostnader, fått kompensert ekstrakostnaden ved ekstra skjønsmidlar. Dette er skjønsmidlar som Fylkesmannen har tildelt, og desse er omtalt i Prop 95S, kommuneproposisjonen kap 9. (skjønnsrammer).

Av dei 31 kommunane det no er snakk om, så har 27 tidlegare hatt ekstra skjønsmidlar fordi dei tidlegare har gått opp i sone.

Desse kommunane får i tillegg til å bli trekt i rammeoverføringa også trekk i skjønsmidlane.

Iflg. utrekning frå KS eit trekk på 47,7 mill. kr. Det er gitt signal om ytterlegare trekk dei neste 2 åra.

Trekk i rammeoverføringane (grønt hefte) er ikkje omtalt i kommuneproposisjonen. Det er ein heilt ny politikk som ikkje har vore drøfta i Stortinget. Denne nye politikken har kome inn "bakvegen" i statsbudsjettet for 2015.

Dette er i praksis trekk frå distriktskommunar som vert omfordelt til resten av kommunane i Noreg.

Kva betyr dette økonomisk?

- Dei 31 kommunane det her gjeld vert trekt i rammeoverføringa for 267,0 mill. kr. Samstundes har 27 av desse 154,7 mill. kr (KS sine utrekningar) i ekstra skjønn.
- Dersom staten berre trekte i skjønnsrammer og ikkje i rammeoverføringane, ville det kun belaste statsbudsjettet med 112,3 mill. kr. (267,0 mill. kr – 154,7 mill. kr)

Oppsummering frå Vestnes kommune

- Kommunar som allereie har lågare arbeidsgjevaravgiftssone (før 1.juli 2014) vert ikkje trekt i rammeoverføringane for det. I inntektssystemet kjem det gjennom tabellar fram kva type trekk kvar kommune har. Her finst frå åra før 2014 **INGEN** trekk grunna redusert arbeidsgjevaravgift.
- 31 kommunar fekk redusert arbeidsgjevaravgift frå 1.juli 2014, og vert trekt i rammeoverføringane frå 2015. Sjå tabell C-k i grønnt hefte. Dette er ny praksis.
- Inntrekt rammeoverføring frå desse 31 kommunane vert lagt ut til fordeling til alle kommunar i landet.
- Det er ein heilt ny politikk som ikkje har vore drøfta i Stortinget. Denne nye politikken har kome inn "bakvegen" i statsbudsjettet for 2015.

Vestnes kommune oppmodar Stortinget til å rette opp dette i budsjettåret 2015, og seinast i revidert budsjett i mai.

Med helsing



Geir Inge Lien
ordfører